

Script of Evening Gojri News Bulletin 21 December 2024 at 1700 Hrs

ایوننگ گو جری نیوز بلیٹن مور 21 دسمبر 2024

یوہ آکا شوانی جموں ہے محبوب سلطانی تے طارق ابرار تیں خبر سنو۔ پہلاں خاص خاص خبر۔

- *1۔ وزیر اعظم نریندر مودی 2 روزہ دورہ ور کویت پُچ گیا ہیں تے اُنہاں نے اُت رہ رہیا بھارتیہ لوکاں سنگ وی ملاقات کی ہے۔
- *2۔ لیفٹنٹ گورنر منوج سنہا نے جموں یونیورسٹی نانہہ اکیڈمک تے اختراع واسطے اے پلس پلس این اے اے سی گریڈ ملن ور ادرہ غی تعریف کی ہے اور کہیو ہے جے یوہ لمحو جموں کشمیر واسطے قابلِ فخر ہے۔
- *3۔ مرکزی وزیر مملکت ڈاکٹر جنتندر سنگھ نے کشتواڑ مانہہ دشا میٹنگ غی صدارت کرتاں وان ترقی، سلامتی تے سماجی باختیاری ور زور دتو۔
- *4۔ ڈوڈہ ٹی بی غا خاتمہ واسطے بالغان بی سی جی ٹیکا کاری مہم شروع کرن آلو جموں کشمیر غو پہلو ضلعو بن گیو ہے۔
- *5۔ تے محکمہ موسمیات نے اگلا 5 دن جموں کشمیر مانہہ سخت ٹھنڈ غی پیشنگوئی کی ہے تے کشمیر مانہہ چلہ کلاں شروع ہو گیو ہے۔

خبران غی تفصیل نال پہلاں محبوب سلطانی۔

PM Kuwait

وزیر اعظم نریندر مودی 2 روزہ دورہ ور کویت پُچ گیا ہیں۔ وزیر اعظم مودی پچھلا 43 بہراں غے دوران کویت غو دورو کرن آلا پہلا وزیر اعظم ہیں۔ کویت پُچن ور وزیر اعظم نریندر مودی گو شاندار استقبال کیو گیو۔ اور بکھ بکھ شعباں مانہہ بندوستان کویت تعلقات مضبوط ہون واسطے راہ ہموار ہے۔ اپنا دورہ غے دوران وزیر اعظم مودی نے 101 بہراں گا سابق آئی ایف ایس افسر تے اُت رہ رہیا بھارتی لوکاں سنگ ملاقات کی۔ وزیر اعظم موصوف نے مہا بھارت تے رہائین غا عربی ناشر عبداللطیف السنف، مترجم عبداللہ بران سنگ وی ملاقات کی۔ دورہ غو مقصد بکھ بکھ شعباں مانہہ بھارت تے کویت غا تعلقات نانہہ باہدو دینو ہے۔

PM Meditation Day

وزیر اعظم نریندر مودی نے اج مُلک غا تمام شہریاں توں اپنی روز مرہ غی زندگی مانہہ دھیان یعنی ”میڈیٹیشن“ نانہہ اک حصہ غے طور ور اپنانا بارے کہیو ہے۔ اک سماجی میڈیا پوسٹ مانہہ جناب مودی نے کہیو جے مراقبو اک طاقتور طریقہ ہے جہیڑو انسان غی زندگی تے معاشرہ مانہہ امن تے ہم آہنگی نانہہ لیا وے۔ اُنہاں نے مزید کہیو جے ٹیکنالوجی غا اس دور مانہہ ایپس تے رہنمائی آلی ویڈیو مہاری روزمرہ غی زندگی مانہہ دھیان نانہہ شامل کرن واسطے اک قیمتی وسائل ہو سکیں۔ قابلِ ذکر ہے جے اج میڈیٹیشن یعنی دھیان غو پہلی دفعہ عالمی تہاڑو مانیو جا رہیو ہے۔ جہیڑا فلاح وبہبود تے ذہنی سکون نانہہ فروغ دین دینا بارے اک عالمی اقدام ہے۔ اس سلسلہ مانہہ یاہ تاریخی

تقریب اس پُرانا عمل غی سالانہ عالمی تقریبات غا آغاز غی علامت ہے جھپڑی جسمی
تے ذہنی صحت تے مجموعی فلاح و بہبود غا فائدہ واسطے اہم ہے۔

Finance Minister

مرکزی وزیر خزانہ نرملا سیتھا رمن غی صدارت مانہہ جی ایس ٹی کونسل غی 55 ویں
میٹنگ آج جیسل میر راجستھان مانہہ منعقد ہو رہی ہے۔ میٹنگ مانہہ مُلک پھر غی ریا ستان
تے مرکزی زیر انتظام علاقہ غا وزرائے اعلیٰ، نائب وزرائے اعلیٰ، خزانہ غا وزی تے
اعلیٰ عہدیدار بھارت غا جی ایس ٹی فریم ورک مانہہ مضبوط کرن واسطے اہم معاملہ ور
تبادلہ خیال کر رہیا ہیں۔ جموں کشمیر غا وزیر اعلیٰ وی اس جی ایس ٹی میٹنگ مانہہ
شرکت کر رہیا ہیں۔ یاہ میٹنگ تمام فریقان گاہ فائدہ واسطے مالیاتی نظم و نسق مانہہ بدھان
اور جی ایس ٹی غا عمل مانہہ بہتر بنان ور مرکوز ہے۔

LG Jammu University

لیفٹنٹ گورنر منوج سنہا نے جموں یونیورسٹی مانہہ نیشنل اسیس منٹ اینڈ ایگری
ڈیشن کونسل غی طرفوں 3 عشاریہ 72 سی جی پی اے غے نال با وقار اے پلس پلس
گریڈ ملن ور جموں یونیورسٹی مانہہ مبارکباد دتی ہے۔ اک سماجی میڈیا پوسٹ مانہہ
لیفٹنٹ گورنر نے کہیو ہے جموں یونیورسٹی غی اس نمایاں کامیابی نے جموں کشمیر
غو وقار اچو کیو ہے۔ اُنہاں نے یوہ وی کہیو ہے یونیورسٹی نے اکیڈمک متھیا وا
اہداف غے تحت تحقیق، طالب علمان غی ہمہ جہت شخصیت سازی گاہ شعبان مانہہ اصلاحات
لیا غے اپنا عزم غو اظہار کیو ہے۔ ایل جی موصوف نے ادارہ غی اس کامیابی ور
وائس چانسلر، اساتذہ، عملہ، اسکالراں تے طالب علمان مانہہ مبارکباد دتی ہے۔ اُنہاں نے
کہیو ہے اس حصولیابی غے ذریعے جموں یونیورسٹی تعلیمی معیار غی بلندی تے
ترقی پزیر جموں کشمیر آئے پاسے اپنا عزم مانہہ ظاہر کر رہی ہے۔ وائس چانسلر جموں
یونیورسٹی پروفیسر امیش رائے نے اس حصولیابی مانہہ اکیڈمک مانہہ شاندار کارکر
دگی تے عالمی شناخت آئے پاسے اک سنگ میل قرار دتو۔ اُنہاں نے میڈیا سنگ گل
کرتاں وان اس طرح کہیو۔۔۔ بانٹ۔

Radio Workshop

جموں یونیورسٹی غا جرنلزم اینڈ میڈیا اسٹڈیز ڈپارٹمنٹ نے ریڈیو نشریات غا موضوع
ور اک تہاڑہ غی ورکشاپ غو اہتمام کیو۔ جس غو مقصد نشریات تے میڈیا سنگ جُڑن غو
شوق رکھن آلا نوجوانان مانہہ تحریک دینو تھو۔ پروفیسر گریمہ گپتا تے پروفیسر
دُشیانت کے رائے غی قیادت مانہہ متعلقہ شعبہ سنگ جُڑیا ماہرین سنگ 4 تبادلہ خیال
سیشن منعقد کیا گیا ورکشاپ مانہہ اظہار خیال کرن آلا ماہرین مانہہ سدھاتھاروڑہ،
جگموہن شرما، آر جے جوہی تے نثار بھردواج شامل تھان۔ طالب علمان نے عملی
سرگرمیاں یعنی خبر پڑھن تے ریڈیو آپریشنس مانہہ سمجھن مانہہ حصولیو۔ ورکشاپ غو
مقصد ریڈیو نشریات غا میدان مانہہ آن غو شوق رکھن آلا طالب علمان مانہہ ریڈیو شعبہ اس
غا آپریشن تے اس مانہہ کنیرئر غا مواقعان بارے جانکاری دستیاب کرانو تھو۔

Prashan Gaon Ki ore Rajouri

مُلک گیر مہم پر شاسن گاؤں کی اور غے تحت خصوصی شکایاتاں گا ازالہ بارے کیمپ تمام ایس ڈی ایمز، تحصیل تے نیابت صدر مقام ور اج تیجے تہاڑے وی لایا جا رہیا ہیں۔ اس مہم غے تحت تمام شہریاں غی موقعہ سر شکایاتاں غو حل کیو جا رہیو ہے تے سرکاری سکیمان بارے بیداری عام کر غے حکومتی نظام نانہ لوکاں غے نزدیک آئیو جا رہیو ہے۔ اس ضمن مانہ بہتر انتظامیہ ہفتہ 2024 غے تحت بلاک سیوٹ شکایاتاں غا حل بارے اک کیمپ منعقد کیو گیو جس مانہ افسران سنگ گل بات کر غے شہریاں نے اپنا مسائل نانہ سامنو رکھیو۔ اس سلسلہ مانہ مزید جانکاری دیتاں واں ات غا اک مقامی شخص نے اس طرح کہیو۔۔۔بائٹ۔۔۔

مزید خبراں نال طارق ابرار ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب (ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں

Jatinder Kishtwar

مرکزی وزیر مملکت ڈاکٹر جتندر سنگھ غی صدارت مانہ اج کشتواڑ مانہ مرکزی سرکار غی اسکیمان غی عمل آوری غو جائزولین واسطے ڈسٹریکٹ ڈولپمنٹ کو اردنیشن اینڈ مانٹرنگ کمیٹی غی میٹنگ منعقد ہوئی۔ کشتواڑ تیں مہارا ضلع نمائندہ کیلاش ناتھ غی رپورٹ غے مطابق میٹنگ مانہ مقامی لیڈراں تے افسران نے شرکت کی۔ تے جا ری ترقیاتی منصوباں جن مانہ ہوائی پٹی، سڑک رابطہ تے جل جیون مشن وغیرہ شامل تہا ور توجہ دتی گئی۔ ڈاکٹر جتندر سنگھ نے بجلی منصوباں مانہ مقامی نوجواناں غا ہنر غی ترقی تے تمام بزرگ شہریاں نانہ آیوش مان صحت غے تحت لیان ور زور دتو۔ میٹنگ مانہ لوینڈر پھلاں غی کاشت غی صلاحیت نانہ وی آجاگر کیو تے اک ضلعو اک پروڈیکٹ غے تحت زعفران تے زیرہ جیسی مچ اہمیت آلی فصلان نانہ فروغ دے غے مقامی لوکاں غا روزگار غا مواقع بدھان ور زور دتو۔ اس موقعہ ور میڈیا سنگ گل کرتاں واں ڈاکٹر جتندر سنگھ نے اس طرح کہیو۔۔۔ بائٹ۔۔۔

GoC Rajouri Visit

وائٹ نائٹ کور غا کمانڈینگ بارے جنرل افسر لیفٹنٹ نوین سچدیوانے راجوری غو دورو کیو تانجے سول تے ملٹری تعلقات نانہ مضبوط بنایو جا سکے تے مقامی لوکاں غی طرفوں امن قائم رکھن بارے کردار نانہ سراہیو جا سکے۔ اُنہاں نے شہریاں، فوج، جموں کشمیر پولیس تے سول انتظامیہ بشکار ہم آہنگی غی تعریف کی تے پیر پنجال مانہ فوج غا بدھتی وی تعداد نانہ آجاگر کیو۔ لیفٹنٹ جنرل یون سچدیوانے مینڈھر کرکٹ پرئمر لیگ غی تقریب مانہ شرکت کی جس غو مقصد ہم آہنگی نانہ فروغ دینو تھو۔ اس دوران جموں کشمیر مانہ امن استحکام تے فلاح وبہبود واسطے بھارتی فوج غا عزم نانہ مزید پختہ کیو ہے۔

BCG Doda

ضلع ڈوڈہ مانہ مرکزی حکومت غا تپ دق یعنی ٹی بی غی بیماری کا خاتمہ واسطے قومی پروگرام غے تحت بی سی جی ٹیکا کاری مہم شروع کی گئی ہے۔ جس سنگ ڈوڈہ ضلعو اس ٹیکا کاری کاری مہم نانہ شروع کرن آلو جموں کشمیر غو پہلو ضلعو بن گیو ہے۔ ٹی بی بارے خاتمہ غی یاہ شروعات سرکاری طبی کالج سنگ جڑیا ہسپتال

غا او پی ڈی کمپلیکس مانہہ بالغاں نانہہ بی سی جی ٹیکا لان سنگ کی۔ اس ضمن مانہہ مزید جانکاری دیتاں واں ڈپٹی کمشنر دوڈہ ہر ویندر سنگھ نے اس طرح کہیو۔۔۔ بانٹ۔۔۔

Winter Break

سرکار نے صوبہ کشمیر تے صوبہ جموں غا سرمائی زون غے تحت آن آلا ڈگری کالجاں مانہہ 27 دسمبر تیں سرمائی چھٹیاں گو اعلان کر دتو ہے۔ اس تیں علاوہ سرکار نے صوبہ جموں غا گرمائی زون غے تحت آن آلا کالجاں واسطے یکم جنوری تیں 10 جنوری توڑی سرمائی چھٹیاں غو وی اعلان کیو ہے۔ سرکاری حکمنامہ غے مطابق صوبہ کشمیر غاتمام سرکاری ڈگری کالج جن مانہہ صوبہ جموں غا سرمایہ زون غے تحت آن آلا کالج وی شامل ہیں۔ 27 دسمبر 2024 تیں 14 فروری 2025 توڑی سرمائی چھٹیاں واسطے بند رہیں گا۔ اس تیں علاوہ صوبہ جموں غا گرمائی زون غے تحت آن آلا تمام ڈگری کالج وی یکم جنوری 2025 تیں 10 جنوری 2025 توڑی بند رہیں گا۔

Weather

کشمیر مانہہ پچھلی رات توں چلے کلاں یعنی سخت ترین ٹھنڈ غو دور شروع ہو گیو ہے تے منیو جا رہیو ہے جے جموں کشمیر مانہہ مزید ٹھنڈ گی لہر مانہہ بابدو وے گو۔ چلے کلاں سرمائی دور 40 تہاڑاں ور مشتمل ہے جہیڑو 31 جنوری نانہہ ختم وے گو۔ اس تیں بعد چلے خرد شروع وے گو جہیڑو 20 تہاڑاں ور مشتمل ہے 19 فروری توڑی جا ری رہے گو۔ تے اخیر مانہہ 10 تہاڑاں ور مشتمل چلے بچھ جا ری رہے گو۔ اس سلسلہ مانہہ کشمیر مانہہ لگاتار خشک موسم جا ری ہے جد کہ رات غا درجہ حرارت مانہہ وی خاصی کمی دیکھی جا رہی ہے، تے جموں خطہ گا میدانی علاقان مانہہ درمیانہ درجہ حرارت بارے جانکاری موصول ہو رہی ہیں۔ اس ضمن مانہہ محکمہ موسمیات نے جموں کشمیر تے ہماچل پردیش مانہہ اگلا 5 تہاڑاں مانہہ ٹھنڈ غی لہر مانہہ مزید بابدو غی پیشنگوئی کی ہے۔

اس غے نال ہی خبراں غو یوہ بلیٹن ختم ہوؤ۔